

M544D: Mittelfränkische Urkunden: Henricus de Rile 1279-1299

- 380-350,39 Wir Richtere . Scheffenin / inde Raoit . inde gemeyne buorgere van kolne
. duoen kuont
- 380-350,40 allen den gienen die nuo sint inde her nao kuomen suolen inde die diese
haintuesteninge
- 380-350,41 ane gesient inde gehorent / dat wir mit guoden willen . Vonseme
gemeineme raide / inde
- 380-350,42 andere vonser gemeiner vruonde . vombe ewelichen vriede der steide inde
vonser buorgere van
- 380-350,43 kolne . Jnde des greuen herren ailfs van den berge . siner lude . inde sines
landes vouerdrain
- 380-350,44 hain . einer vrunzaffe die wir eweliche stede halden suolen vur vons inde
vonse nakuomelinge .
- 380-350,45 mit deme greuen herren ailfe van dem berge . sinen nakuomelingen . inde
sinen luden alsodaone
- 380-351,1 wis as hie nao beschriuen steit . Js t dat ieman nu of in einichen ziden her
nao vesteninge
- 380-351,2 of burg zuo Duoze wilt maggen dat suole wir inde alle vonse nakuomelinge
weiren
- 380-351,3 mit alle vonser maiht . in guoden truwen suonder arge list . dat selue sal
helpen weiren der
- 380-351,4 greue van den berge inde alle sine nakuomelinge mit alle irre maiht in
guoden truwen
- 380-351,5 sunder arge list . Eveier is ieman nu of in einichen ziden her nao de her ove
gewapende
- 380-351,6 lude leigen wilt ze Duze wieder die stat van kolne si ane zuo veigthene ove
zuo hinderne
- 380-351,7 dat suole wir inde alle vonse nakuomelinge weiren mit alle Vonser maiht in
guoden truwen
- 380-351,8 sunder arge list . dat selue sal helpen weren der greue van den berge . inde
sine naokuomelinge
- 380-351,9 mit alle irre maiht in guoden truwen sunder arge list . Euer wier dait nuo
of in einichen
- 380-351,10 ziden her nao einich herschif ove einich stritlich schif van vienden der stede
van kolne

- 380-351,11 gehangen wuorde wieder die stat van kolne vop den vluojs des Rines ze
Duze / ove in dat
- 380-351,12 lant / des greuen van den berge . dat suole wir inde alle vnse nakuomelinge
weren mit alle
- 380-351,13 vnser maiht in guoden truwen sunder arge list . dat selue sal helpen weren
der greue van
- 380-351,14 dem berge / inde alle sine nakumelinge mit alle irre maiht in guoden truwen
sunder arge
- 380-351,15 list . Evir wir inde alle vnse buorgere van kolne die suolen in der graischaf
van dem berge
- 380-351,16 inde in alle siner maiht . vop me lande . inde in den waszere vriede hain .
an liue inde an
- 380-351,17 guode . geliche des greuen luden van den berge . dat selue sal der greue van
den berge
- 380-351,18 inde sine lude hain zuo kolne inde in vnser maith gelich vons selues
buorgeren van kolne .
- 380-351,19 Jd in were dat vonse heire der erzebischof van kolne inde der greue .. van
de- berge samen
- 380-351,20 offenbaore uorluogedein so in sal der greue van den berge nog sine helpere
die dat gestichte
- 380-351,21 van kolne uorluogient offenbaore roifuent ofte biernent . zuo kolne
eingeinen vrieden hain .
- 380-351,22 Euir alle die van anderen landen varent duorg die graoischaf inde dat lant
van den berge
- 380-351,23 mit veilme koife zuo kolne . ove van kolne varent . die suolen van des greuen
weigen . van
- 380-351,24 dem berge . siner nakuomelinge inde siner lude / duorg die graoischaf van
den berge inde
- 380-351,25 duorg sine maiht vriedeliche varent vp ir reht . dat heit vons der greue van
dem berge
- 380-351,26 geloift in guoden truwen sunder arge list . Euir hain wir uovirein gedrain .
mit deime
- 380-351,27 greue van den berge inde sinen luden / is t dat einch man van sime lande
ove van siner
- 380-351,28 graoischaf schuoltgemair wirt einches uons burgers van kolne / inde die
schuoltgemare in die
- 380-351,29 stat van kolne kuomit den schuoltgemare mag man ane spreggen mit
gerichte inde sal deme
- 380-351,30 hendelingen reith duon mit also gedaoneme reichte / ove id bekant guod is
. so sal hie gelden
- 380-351,31 nao vonser stede reithe . ove nao vorworden / inde ove hie der schuolt geit
/ so sal hie gelden
- 380-351,32 binnen vierzein dagen . Js t oug dat hie der scholt luonit so sal hei
hendelingen sin reith
- 380-351,33 duon mit einir haint sunder vair . inde sal neimanne vnschuldigen ane
spreggen kumberen
- 380-351,34 ove haigthen vombe die scholt die ein ander gemagt heit . dit selue sal man
halden vnse

- 380-351,35 burgeren van kolne in des greuen lande van dem berge . inde in alle siner maiht . Wir
- 380-351,36 hain oug vouirdrain / mit denne greuen van dem berge . inde sinen vrunden dat die lude
- 380-351,37 van der graoischaf van dem berge Vnsen burgeren van kolne vielen koif suolen geuen / inde
- 380-351,38 wir inde vonse burgere van kolne suolen wieder geuen vielen koif . deme greuen van dem
- 380-351,39 berge inde allen sinen luden nuo inde zuo allen ziden . Jd in weire dat vonse heire der
- 380-351,40 erzebisschoif van kolne / inde der greue van dem berge offenbaore samen uorluogeden / so in
- 380-351,41 sin wir / inde vonse buorgere van kolne / deme greuen van den berge inde sinen helperen
- 380-351,42 die dat gestichte uorluogeint / roifent / ofte birneint ingeinen veilen koif schuoldich ze geuene
- 380-351,43 die deme gestichte schedelich si . also lange alse dat uorluoge wert . so dog des greuen lude
- 380-351,44 van den berge vnsen burgeren van kolne suolen geuen veilen koif . inde des greuen lude
- 380-351,45 van den berge die veilen koif zuo kolne vuorent . die suolen vreide hain zuo kolne inde in
- 380-351,46 alle vonser maiht suonder arge list an liue inde an guode . Wir hain oug vouirein gedrain
- 380-351,47 mit deme Greuen van dem berge . inde sineme raoide vonsen guoden vrunden dat luthere
- 380-351,48 inde eiweliche vruontsczaf inde guode gunst tushen vons inde / jn sal wesen mit guoden truwen
- 380-352,1 sunder arge list . Wir hain oug uouirein gedrain mit deme Greuen van dem berge ove
- 380-352,2 einicher hande zuist tushen ieme / inde sinen luden an eine side . inde vonsen buorgeren vop ander
- 380-352,3 side . uop leife / dat die ehte der wir viere genuomit hain der buorgermeister de scheffene is
- 380-352,4 we de is . Gerairt scherfgin . Hejnrich der vlache inde Costantin crop . inde der greue van
- 380-352,5 dem berge viere sin Druozethe wei de is . Diderich van elnere . Sibode van deme blecge .
- 380-352,6 inde ailf van viele . of die nog her nao in ir stat genuomt suolen werden an beiden siden .
- 380-352,7 die dar vuor zuo den heilichen gesworen hauent die suolen zesamene kuomen binnen kolne
- 380-352,8 inde suolen de zvist ove den voploif scheiden vp ieren eit . ove si gemanit werdent van der
- 380-352,9 geiner siden an den die brug gescheit is . so suolen die viere / vop der side dat die brug gedaoin
- 380-352,10 is / vp iren eit sagen / we man den brug ove den vploif beszeren suole binnen

380-352,11	veirzein dagen / inde of die geine van der siden die brug gescheit were neit in seigthen binnen
380-352,12	vierzein dagen . so muogen die / den die brug gescheit is ir burgen mainen as vmbe einen
380-352,13	brug . die si irvolgit hain / Sagent oug die geswornen / dat si saint dat sal man duoen binnen
380-352,14	vierzein dagen nao irme sagene . Jnde da vuore sulen . is t van vnser siden / vonse zweilf
380-352,15	burgin . die wir deme greuen van dem berge gesat hain / der namen hie nao biscrieuen
380-352,16	steint . binnen der Muontaten ze sente Georgisse . ze kolne leisten . also guodir burgin reiht
380-352,17	is / danne neit ze kuomene die brug in si gebeszereit deme Greuen van dem berge inde
380-352,18	sinen luden . dao si vuoir gemaint sint . Wer it euir van des greuen side van dem berge /
380-352,19	so sulen sine zweilf buorgen der namen in der haintvesteninge bescrieuen steint die he
380-352,20	vons gegeuen hait .. zuo Muolinheim leisten / also lange bisz vons inde vnsen buorgeren die brug
380-352,21	vop gericht wiert nao des greuen geswornen sagen / nao reihte / nao minnen / ove nao suoniligen
380-352,22	dingen . Js t oug dat dieser vierre die vonse segere sint inde gesworne einich affluich
380-352,23	wirt / ove vombe redeliche sagge an den dingen / neit in muogte wesen / so sal der greue
380-352,24	van den berge van vonsen buorgeren einen anderen kiesen an des stat / des da brug is /
380-352,25	hendelingen sunder arge list . Dat selue suolen wir duoen vnder sinen luden ove it an ein
380-352,26	gebricht . Jnde willen dog dat ove dieser vierre uombe redeliche sagge ein dr uoveir neit
380-352,27	in muogge wesen / dat die andere drij vuollenkuomenchlige muogen sagen / also die viere of
380-352,28	si samen weiren . Jnde wait si saint da vuore suolen die buorgin leisten also hie vor gesproggin
380-352,29	is . Euir weir t dat einich meindedich man vombe sine offenbaore missedait virwist wuorde
380-352,30	voser der stat van kolne / ove nuo virwist weire / inde sich die ze Duze nieder leichte ze
380-352,31	bliuene / so der Greue van den berge / ove sin Druoszeze des gemaint wuorde / van vons / ove
380-352,32	van der stede weigen van kolne / so sal der greue van den berge den man duoen rumen
380-352,33	binnen eith dagen / ove hie des neit in dede / wait deme manne dar nao geschiege / dao ane
380-352,34	in hedde wir neit missedaon deme Greuen . Were euir dat enichme vonschuldichme manne

- 380-352,35 zuo den ziden einicher hande schade geschiege doitslag . offinde wunde .
noitzuog ove des
- 380-352,36 gelich . inde die dat weire gescheit claiden so mach die Greue van dem
berge den clegeren
- 380-352,37 richten nao scheffene uordeile inde dog geneidinchliche . meir in claide dao
neiman / so suolen
- 380-352,38 die geswornen sagien vop iren eit / wei man deme Greuen dat suole beszeren
. Were euir
- 380-352,39 dat ieman die vient der steide wiere van kolne / ove scholtgemair were
einichs vonses
- 380-352,40 burgers van kolne inde die man binnen der graschaf van den berge . an
wuorde gesproggin
- 380-352,41 ove an lant gehalten den sal dei greue van den berge ove sine amptman
duoen bi stain
- 380-352,42 bisz an sin gerichte . inde sal vnsen burgeren ove iren geweldichen boden
hendelingen
- 380-352,43 reihten nao sines landes reihte . guonstlichen / sunder vaoir inde arge list
. Were oug dat die
- 380-352,44 greue van dem berge sine amptman ove eiman van sinen luden binnen
vonser stat van
- 380-352,45 kolne ove binnen vnsme gerichte iemanne ane wuolden spreken vmbe
einiche sine missedait
- 380-352,46 van deme suolen wir t deme greuen van den berge ove sinen luden
hendelingen richte
- 380-352,47 duoen guonstliche sunder vaoir inde arge list . Jnde vombe dat allit dit dat
hie vuor biscrieuen
- 380-353,1 steit stiede si inde eweliche gehalten werde / deme greuen van den berge .
sineme lande
- 380-353,2 inde sinen luden van vons . vnsen burgeren inde van vonsen
naokuomelingen van kolne . so
- 380-353,3 hain wir deme greuen van dem berge diese zweif burgin gesat . die hir na
bescriuen
- 380-353,4 steint / ove eit des vp leife dat kenlich weire dat si geloift inde gesichert
haint mit irre
- 380-353,5 gegeueinre truwen . dat si gemanit / sulen leisten alse hie vuor gesproggin
is . Dit sint die
- 380-353,6 buorgin die wir gesat hain deme Greuen van dem berge inde sineme raoide
. Gerart scherfgin .
- 380-353,7 Daniel ouerstolz . Gerart ouerstolz . Mathies van deme speigele . Costin
crop . Heynrich
- 380-353,8 der vlagge . Johan kleynegedanc . Johan ouerstolz . Bermin kuone . ailbreit
scalle . Waltem
- 380-353,9 van der aduocht . inde Gerart ouerstolz her Mathies suon . Jnde wir
vuorgenuomde burgen
- 380-353,10 bigein des offenbaore inde uorkuonden dat an dieser haintvesteningen dat
wir buorgen worden

- 380-353,11 sin gesichert inde geloift hain also alse hie vuor gesproggin is inde virbundin
sin ze alle
- 380-353,12 diesen vuorworden ze haldene mit uonser gegeuenre truwen . Jnde Wir ..
Richtere .. Scheffenin
- 380-353,13 inde vuorgenuomde Burgin weder wir scheffenen of gemeyne burgere sin
irgein des dat
- 380-353,14 wir og samenclige vuor die stat van kolne / inde vuor vons gemeyne
buorgere van kolne gesichert
- 380-353,15 hain mit uonser gegeuenre truwen . inde og gesvoren hain zuo den heiligen
dat wir
- 380-353,16 diese vuorworde vuor uons / inde vnse nakuomelingen / inde vuor die stat
von kolne na aller
- 380-353,17 vnser maicht / ieweliche steide halden suolen . Jnde dat wir die stat van
kolne / inde die
- 380-353,18 gemeyne buorgere van kolne in guoden truwen sunder arge list / dar ane
suolen halden mit
- 380-353,19 aller vnser maicht dat sij alle diese vuorworde / ieweliche steide halden deme
Greuen van
- 380-353,20 dem berge / sinme lande / inde sinen luden . inde iren nakuomelingen .
Jnde sowe na uons
- 380-353,21 og Richtere of Scheffene oue na gesat buorge / oue gesuorne Segere wesen
sal zuo kolne /
- 380-353,22 alse uonser einich in is / die sal sicheren / inde sveren zuo den heilichen /
alse wir vuore hain
- 380-353,23 dain . dat hie alle deise vuorworde steide suole halden / inde duon halden
deme greuen van
- 380-353,24 dem berge / sineme lande / sinen luden / inde ire nakuomelingen in guoden
truwen sunder
- 380-353,25 arge list . Were euir dat uonser buorgin / oue unser veir gesvornin einich
afluich wuorde .
- 380-353,26 so suole wir binnen veirzein dagen einin anderen seitzein an des stat des da
bruch is / die
- 380-353,27 sal sicheren zuo leistene of hei gemaint wirt / inde sveren zuo den heiligen
/ alse die andere
- 380-353,28 haint gedain . we wir des neit in deiden so mach dei greue van dem berge
/ oue sine
- 380-353,29 nakuomelinge / ove ire amptlude / vonse andere burgin manin / die suolen
leisten zuo sunte
- 380-353,30 Georgise binnen der mantaten also lange bis deme Greuen van dem berge
voldain is van
- 380-353,31 dem burgin ove van deme gesvorne des da bruch is / sunder arge list . Jnde
vp dat dit
- 380-353,32 ieweliche stiede bliue so hain wir deme greuen van dein berge / inde sinen
nakuomelingen
- 380-353,33 diese haintuesteininge gegeuen bisiegelt mit vnser steide ingesigele / da wir
mit zuo alle
- 380-353,34 diesen vuorworden zuo haldene ieweliche willen sin virbunden . Dit is
gescheit na Godis

380-353,35	gebuorde Dusint iair . zuei hundert iar . in deme eicht inde seuenszisteme iare / des maendages
380-353,36	na Druotzeindeme dage .
N548A-389,22	Wir Adolp van gotz genaden Roemescher
N548A-389,23	kuoninc vnd eyn merer des riches
N548A-389,24	duon kunt allen den die desen breif sehent
N548A-389,25	vnd huorent lesen daz die satzung des lantvrides
N548A-389,26	de kuoninc Ruodolf vnser vuorevare
N548A-389,27	mit gunst vnd mit rade der erberen herren
N548A-389,28	des cardinals des legaten vnd fursten
N548A-389,29	beide geistlicher vnd wereltlicher gesetzet
N548A-389,30	hadde zuo Wirtzburch in dem geboden
N548A-389,31	houe vns geoyget vnd gelesen wart ze
N548A-389,32	Kolne vf dem sale van worden ze worden
N548A-389,33	als he na gescriben stait . Dise satzung des
N548A-389,34	lantfrides haue wir Rudolf Romescher kuoninc
N548A-389,35	vnd ein merer des righes mit gunst vnd
N548A-390,2	mit rade der erberen herren des cardinales
N548A-390,3	des legates vnd der fursten beide geistlicher
N548A-390,4	vnd wereltlicher gesetzet ze Wirtzburg in dem
N548A-390,5	geboden hove als he na gescreuen steit .
N548A-390,6	Wir setzen ze irst vnd gebeiten bi des riches
N548A-390,7	hulden vnd mit ter fursten rait vnd ander
N548A-390,8	des riches holden vnd getruwen svelich
N548A-390,9	sun sinen vater van sinen burgen ove van
N548A-390,10	anderme sime guote verstoezet oue bernet
N548A-390,11	oue royueit ove ze sinen vater viende sich
N548A-390,12	macht mit eiden ove mit truwen dat it vp
N548A-390,13	sines vater eire geit ove vp sin verderfnisse
N548A-390,14	bizuget in des sin vater zuo den
N548A-390,15	heiligen vuor sime richtere mit zwein
N548A-390,16	schinberen mannen die neman mit rechte
N548A-390,17	verwerpen kan die sun sal sin verdeilleit
N548A-390,18	eygens vnd lenes vnd varendes guodes vnd
N548A-390,19	genzlichen alles des guodes eweliche dat eym
N548A-390,20	van vadere ove van muodere vp in erven
N548A-390,21	suolde also dat im weder richter noch vater
N548A-390,22	noch muoter noch neiman weder helfen
N548A-390,23	mach dat he dar ane recht have zuo dem
N548A-390,24	guote jemer gewinnen muoge Sowielig sun
N548A-390,25	vp sinen vater lif redet ove in vorluogeliche
N548A-390,26	ane grift mit vntruwen ove mit geuencnisse
N548A-390,27	oue in in engeynen bant leget dat geuencnisse
N548A-390,28	heizt wirt he dez vuor sime richtere
N548A-390,29	vuorzuget als hie vuore gescreuen is der selue
N548A-390,30	sun is eirlois vnd rechtlois eweligen also

N548A-390,31 dat hie nemer wieder kuomen mach in sin
 N548A-390,32 recht mit engeynnen dingen . Alle die oich
 N548A-390,33 der vader zuo gezuze nimt vuor den richtere
 N548A-390,34 vouer alle die sachge die hie vuor gescriuen
 N548A-390,35 sint die sulen des neit vouer sin weder duorch
 N548A-390,36 sippe noch duorg engeynre hande sachge si ne
 N548A-390,37 gesteyn dem vadere der wairheit Die
 N548A-390,38 des neit duon in wilt den sal de richtere
 N548A-390,39 dar zuo dwingen it en si dat hie vuor dem
 N548A-390,40 richtere svere vp den heyligen die hie dar
 N548A-390,41 vmbe neit en wisse Haet de vader deinstmanne
 N548A-390,42 ove eygene lude van der rade ove
 N548A-390,43 van der helpe de sun diese dinc gedain
 N548A-390,44 hait wieder sinen vader die he enboven

N548A-391,2 gescriuen steynt bizuget dat die vader vp
 N548A-391,3 si vuor sime richtere als hie vuor gescriuen
 N548A-391,4 is selue dirdeme vp den heiligen die selue
 N548A-391,5 sint elois vnd rechtlois ewelichen Der vader
 N548A-391,6 mach ever sich neit birenden der dinge
 N548A-391,7 he ne bizuoge e den sun als da vuor gescriuen
 N548A-391,8 is Bizuget he dar na die deinstmanne oue
 N548A-391,9 die eygene lude der richter in des gerichte
 N548A-391,10 dat gescheit is sal si ze achte duon vnd sal
 N548A-391,11 si nemer dar vs laysen si en gelden dem vader sinen
 N548A-391,12 schaden zveiueldig den hie van ierme raede
 N548A-391,13 ove van helpen genomen hait vnd dem richtere
 N548A-391,14 sin recht vnd haint si leen van de- vadere
 N548A-391,15 die leen suolen ledich sin de- vadere zuohant
 N548A-391,16 so he si bizuget vnd sal si in nemer weder
 N548A-391,17 gelien Vnd leynt hie si wieder so sal he
 N548A-391,18 so vil als der leen ist de-me richter geuen
 N548A-391,19 ane wederrede An alle duosen sachen de
 N548A-391,20 he vuor gescriuen sint mach eyn ewelig schinbere
 N548A-391,21 man der sich recht hat behalden he
 N548A-391,22 si furste ove anders eyn hoe man dem vader
 N548A-391,23 helpen bizugen sowat he weis Eyn deynstman
 N548A-391,24 mag et oich bizugen mit anderen deynstmannen
 N548A-391,25 eyn eygener mit sime genoizen
 N548A-391,26 en gebuoyr mit sime genozen Eyn ewelig
 N548A-391,27 vrijman helpet wal eyne deinstmanne of
 N548A-391,28 he is weit Js ever dat de vader van geuencnisse
 N548A-391,29 ove van ander noit dat recht neit
 N548A-391,30 gevordren in mach so sal it eyn sin maich
 N548A-391,31 duon vnd sal dar na beweren zuo den heiligen
 N548A-391,32 dat tem vadere kenlige noet duo dat he daer
 N548A-391,33 neit komen in mach vnd sal de noit nennen
 N548A-391,34 vnd wanne he dat biredet so sal im recht

N548A-391,35 vmb de clage gescheyn an des vaders stait
 N548A-391,36 also ove de vader selve dae were Eyn deynstman
 N548A-391,37 helpet es oig wail eime sine- vngenoz
 N548A-391,38 de nederen muogen is den hoyren neit gehelpen
 N548A-391,39 Jn geliger wis als wir van dem
 N548A-391,40 vader haven geset also wille wir dat man dat
 N548A-391,41 selue van der muoder vorste Wir setzen vnd
 N548A-391,42 gebieden wat schaden ieman gesche dat te
 N548A-391,43 selue neit en richte he ne clage z eirst sime
 N548A-391,44 richtere vnd wlge siner clage an dan ende
 N548A-391,45 als it recht ist it en sie dat he zehandē si

N548A-392,2 ze noitweres sines lives vnd sines guodes
 N548A-392,3 Sowe sig anders richt dan he vuor gescriuen
 N548A-392,4 is wat scaden im dar vmbe ieman deit den
 N548A-392,5 sal er im zveivalt gelden vnd wat scaden
 N548A-392,6 in gescheit is de sal gar verloren sin vnd
 N548A-392,7 sal nimer dehaine clage daer nae gewinnen
 N548A-392,8 Sowe euer sine klage volfuoret als da gescriuen
 N548A-392,9 is wirt im neit gericht vnd muoz he
 N548A-392,10 duorg noit sinen vienden wedersagen dat
 N548A-392,11 sal he bi dage duon vnd van deme dage dat
 N548A-392,12 he ym wedersacht hat bitz an den veirden
 N548A-392,13 dag sal her im engeinen scade duon weder
 N548A-392,14 an live nog an guode so hat he drij ganze
 N548A-392,15 dage vrede Oich sal der dem da wedersait
 N548A-392,16 wirt bis an den veirden dag engeynen
 N548A-392,17 scaden duon dem de im widersagt het An
 N548A-392,18 welichere duose satzuonge gebroche wuorde
 N548A-392,19 de sal sime richtere clagen vnd sal de
 N548A-392,20 richtere im vuor gebeden selue ove mit sime
 N548A-392,21 boten vnd mach de selue dem da vuor geboden
 N548A-392,22 is neit entschuldigen em selue sievenden
 N548A-392,23 erberen luden vuor de- richter so is he
 N548A-392,24 elos vnd rechtlois eweligen also dat he
 N548A-392,25 nemer kuomen in mach zuo sime rechte An
 N548A-392,26 weme de hantfride gebrochen wirt bizuget
 N548A-392,27 he dat vp ten heligen vuor sime richtere
 N548A-392,28 mit tem de den hantfride gemacht hat in
 N548A-392,29 mit swen anderen scinberen mannen de
 N548A-392,30 ir recht bihalden hant dat te hantfride an
 N548A-392,31 im gebrochen si de richter sal ienen in de
 N548A-392,32 achte duon de den hantfriden gebrochen hat
 N548A-392,33 vnd sal in nemer vzer der achte lazen ane
 N548A-392,34 des clegers wille ove he vuorlust de haynt
 N548A-392,35 daer vmbe Js euer de hantfride mit eme
 N548A-392,36 dotslage gebrochen so sal des maich eyne
 N548A-392,37 de da erslagen is clagen vnd sal den mort

N548A-392,38 bereden als da vuor gescriuen is Vnd wanne
 N548A-392,39 he dat beredet so sal man ienen nemer vz
 N548A-392,40 der achte lazen he ne geve den lif dar
 N548A-392,41 vmbe vnd sal elos vnd rechtlos sin Wilt
 N548A-392,42 euer de de den hantfride gemacht hat ove
 N548A-392,43 intfangen iem des gerichtes neit gestayn dat
 N548A-392,44 de fride an iem gebrochen si dem sal der
 N548A-392,45 richter gebeden bi vnsen hulden dat he
 N548A-392,46 ieme helpe sines rechtes ove he muoz sveren
 N548A-392,47 vp den heiligen dat he z neit in wizze leist

 N548A-393,2 he it euer vmbe sippe vnd duorch eynicher hande
 N548A-393,3 dinc he is vns vnd dem richtere
 N548A-393,4 de hant sculdig Wir setzen vnd gebeden bi
 N548A-393,5 vnsen hulden dat alle vnse fursten vnd alle
 N548A-393,6 de de gerichte van vns hauent rechte richten
 N548A-393,7 als des landes side vnd gewoneit si vnd
 N548A-393,8 dat selue gebede wir den de gerichte van
 N548A-393,9 ien hant dat si rechte richten vnd der buoze
 N548A-393,10 neit ien laizen de ien irdeilt wirt Wir setzen
 N548A-393,11 vnd gebeden dat iengeyn richter ieman
 N548A-393,12 ze achte duo wan offenliche vnd dat iengein
 N548A-393,13 richter ieman vz der achten laze he ne
 N548A-393,14 neme de gewishet dat deme cleger gericht
 N548A-393,15 werde na des landes gewonheit Sowe des
 N548A-393,16 neit ien det vouer den wille wir richten scherpligen
 N548A-393,17 als it recht is vnd wat vns uouer ien
 N548A-393,18 oirtelt wirt des in wille wir neit lazen noch
 N548A-393,19 neman vouerseen noch neman schonen Vnd
 N548A-393,20 gebeten oich vnsen fursten dat si mit ter
 N548A-393,21 buzen dvingen de van den si gericht hant
 N548A-393,22 Deit z oich de richter neit so suole wir vouer
 N548A-393,23 ien richten als t recht is Wir geloven dat
 N548A-393,24 wir dat selue suolen halden Wir setzen vnd
 N548A-393,25 gebeden wat ieme richtere geweddet wirt
 N548A-393,26 dat he den achter vs der achten leist dat
 N548A-393,27 heit dat gar neme vnd des neit in laze
 N548A-393,28 duorch dat de lude desd ungerner in duo
 N548A-393,29 achte kuomen Wir wille oich selue vns rechts
 N548A-393,30 neit lazen Wir setzen vnd gebeden dat man
 N548A-393,31 de pailburger in allenhalven laze wir willen
 N548A-393,32 ir in vnsen steden iengeyne haben Wir
 N548A-393,33 gebeden vnd setzen dat ieman ingeynen
 N548A-393,34 muntman have Wir uerbeden oich bi vnsen
 N548A-393,35 hulden dat neman den andren duorch dat
 N548A-393,36 lant geleide vmbe iengein guot he ne have
 N548A-393,37 dan dat geleyde van dem riche Dat armen
 N548A-393,38 vnd richen desduo sicherliger varen vnd

N548A-393,39 vliezzen muogen so gebede wir dat neman
 N548A-393,40 ingeynen nuwen tol noch geleide ien mache
 N548A-393,41 noch neman sal vordren vp dem lande noch
 N548A-393,42 vp wazzere vnd dat alle de tolle de mit
 N548A-393,43 vnrechte gehoet sint anders dan si van alders
 N548A-393,44 gesat sint dat duo selue hoinge ave si
 N548A-393,45 vnd de tol blive als he van rechte sal Sowe

 N548A-394,2 da wider deit de hat den lantfride zebrochen
 N548A-394,3 vnd vmbe den bruch so is he in
 N548A-394,4 der achten vnd in des paves banne den
 N548A-394,5 he jarliges kundiget an dem gruonen dunrezdage
 N548A-394,6 vnd in des legates banne den
 N548A-394,7 he vmbe vnrechte tolle zuo Wirtzburg in
 N548A-394,8 deme concilij gekundet hat Neman sal oich
 N548A-394,9 engeynen tol nemen wan ze rechte jn da
 N548A-394,10 man in ze rechte nemen sal Sowe dat bricht
 N548A-394,11 den sal man haven vuor einen strazeroiver
 N548A-394,12 Wir setzen vnd gebeden dat alle de tolle
 N548A-394,13 de seder keyser Frideriches ziden vp gesat
 N548A-394,14 sint vp waszer ove vp lande van weme
 N548A-394,15 si gesat sint dat si gar ave sin et ien si
 N548A-394,16 dat der de ien hat bereden muoge vuor dem
 N548A-394,17 riche dat he ne zuo rechte haven suole Alle
 N548A-394,18 de de tolle nement vp waszer ove vp lande
 N548A-394,19 de suolen den wegen vnd den brucken ir
 N548A-394,20 recht halden mit machene vnd mit besserungen
 N548A-394,21 vnd van dem si nement den tol
 N548A-394,22 den suolen si bifriden vnd geleiten nae ire
 N548A-394,23 macht als veirre als ir gerichte gat dat he
 N548A-394,24 net verlese Sowe diese gebot ze drin malen
 N548A-394,25 bricht wirt he s bizuget vuor gerichte als
 N548A-394,26 it recht is de tol sal deme riche ledich sin
 N548A-394,27 Man sal de rechte lantstraze varen vnd sal
 N548A-394,28 neman dvingen den anderen van der rechte
 N548A-394,29 straze Wae svne mit einander vorluogent
 N548A-394,30 vnd der eyn oue si beide geleide hant sowe
 N548A-394,31 den zuo leide de straze ane grift wirt he
 N548A-394,32 des mit rechte vouerzuget vouer den sal man
 N548A-394,33 richten als vouer eynen strazerober Sowe
 N548A-394,34 burge ove stede ove engeynre hande bu
 N548A-394,35 machen wilt de sal it mit sime gude duon
 N548A-394,36 ove sinre lude guode vnd neit van sinre lantlude
 N548A-394,37 guode Sowe dar vouer engeynen tol ove
 N548A-394,38 engen vngelt niemt in engener stat oue vp
 N548A-394,39 eniger straze vouer den sal man richten als
 N548A-394,40 vouer enen robere Alle de muonze de sint
 N548A-394,41 keyser Frideriches dode gemachet sint van

N548A-394,42 weme si gemachet sint de sulen gar abe
 N548A-394,43 sin it en bizuge dan vuor deme riche der
 N548A-394,44 de si da het dat he si ze rechte haven suole
 N548A-394,45 We vp iemans penninc eynigen valsch sleit

 N548A-395,2 ove hat geslagen den sal man haven vuor
 N548A-395,3 eynen velschere We oich en andere muonze
 N548A-395,4 machde obe sluoge dan van me riche van
 N548A-395,5 alders kuomen is swi gewere ove gut du
 N548A-395,6 were it si an gewichte gemelde ove swere
 N548A-395,7 den sal man vuor eynen velschere haven
 N548A-395,8 vnd wanne he des mit rechte vouerzuget
 N548A-395,9 wirt de sal sin recht han verloren Jn weliches
 N548A-395,10 herren gerichti ove geleide it si vp
 N548A-395,11 waszer oue vp lande en koifman oue sus
 N548A-395,12 en man biroyuet wirt van des herren gesinde
 N548A-395,13 amptman burgman ove denstman
 N548A-395,14 der he herre geweldich is aen alle arge list
 N548A-395,15 dat sal de herre in des gerichte oue geleide
 N548A-395,16 de biroivet is gelden Wirt euer ieman
 N548A-395,17 beroiuet in sines herren gerichte oue geleide
 N548A-395,18 vnd dat neit in sche van sinen gesinde amptman
 N548A-395,19 denstman oue burgman dem sal der
 N548A-395,20 lantfride biholpen sin dat weder ze duone
 N548A-395,21 Wir setzen oich vnd gebeden vesteliche dat
 N548A-395,22 sowa it noet gesche duorch bruche des lantfrides
 N548A-395,23 de nesten de da bi gesessen sint da
 N548A-395,24 de bruch gescheit is den lantfriden bischirmen
 N548A-395,25 inde helpen weren vnd vermugen es
 N548A-395,26 de neit so suolen es de duon de dar na de
 N548A-395,27 nesten sint vnd dar zuo suole wir den helpen
 N548A-395,28 oue s noit is Wir gebeden oich vesteliche
 N548A-395,29 dat man in allem Ruomeschem riche aen geistlichen
 N548A-395,30 dingen nae gebode vnd na raede der
 N548A-395,31 erzebischoue sich halde vnd der bischoue
 N548A-395,32 vnd der erzepistere nae geistlichem rechte
 N548A-395,33 vnd we da weder is den sal man han vuor
 N548A-395,34 ienen vngeloyuigen man Man sol oich wereltlige
 N548A-395,35 gerichte aen sime rechte halden Wir
 N548A-395,36 gebeden vestengliche als it recht is dat de
 N548A-395,37 godeshuser vogde den godeshusen vir sen
 N548A-395,38 vnd si schirmen vp ir vochtey als it weder
 N548A-395,39 got wal ste vnd oich vnsen hulden vnd sich
 N548A-395,40 an der gothusen guot also hauen dae ir vochtey
 N548A-395,41 is dat vns iengene groze clage van ien
 N548A-395,42 kuome Sowe des net en deit kumt it vns
 N548A-395,43 ze clagen so wille wir itz richten also vestenclige
 N548A-395,44 als it recht is dat wir dar ane

N548A-395,45 neman schonen willen Wir willen oich
 N548A-396,2 vnd gebeden dat vouer eyn cloister ove
 N548A-396,3 vouer eyn godzhus net tan en voyt si als lange
 N548A-396,4 der lantfride wert vnd we des neit
 N548A-396,5 en wuolde oue dae weder dede den sal der
 N548A-396,6 lantfride dwingen vnd wanne der lantfride
 N548A-396,7 vs geit so ne sal it nemanne an sime
 N548A-396,8 rechte scaden Wir vuorbeden oich bi vnsen
 N548A-396,9 hulden dat neman duorch eynes voychtes
 N548A-396,10 schulde noch ieme ze leyde des gotzhuses
 N548A-396,11 guot dae he voyt is weder birne noch royve
 N548A-396,12 noch pende We dat dair vouer deit wirt
 N548A-396,13 he des vouerzuget als it recht is vuor dem
 N548A-396,14 richtere den sal man zuo achte dun vnd
 N548A-396,15 sal en vszer achte neit lazen he ne gelde
 N548A-396,16 den scaden drij stunt als dure als de is vnde
 N548A-396,17 suolen de zvei deil dem gotzhuse werden vnd
 N548A-396,18 dat deirdeil dem voychde Wir vierbeden
 N548A-396,19 oich dat neman pende ane des richters vorlof
 N548A-396,20 We it da vouer deit vouer den sal man richten
 N548A-396,21 als vouer eynen straszeroyuere Wir setzen
 N548A-396,22 vnd gebeden sowe wizzencliche roif ove
 N548A-396,23 deve guot koifvet oue roiver oue deife wizzencliche
 N548A-396,24 behelt vnd niecht achter sint wirt
 N548A-396,25 he des bizuget vuor dem richtere nae rechte
 N548A-396,26 so sal he ze dem eirsten den scaden zweiveldichlige
 N548A-396,27 gelden dem he gedan is he si dufflich
 N548A-396,28 oue royvich Wirt he is bizuget z eynen
 N548A-396,29 male he ne haue gedan Js t eyn roif so
 N548A-396,30 sal man vouer ien richten als vouer eynen
 N548A-396,31 royver Jst ez dufflich so sal man vouer ien
 N548A-396,32 richten als vouer eynen deif Wir gebeden
 N548A-396,33 dat neman engeynen achter gehalde wizzincliche
 N548A-396,34 Sowe it dar vouer deit wirt he is
 N548A-396,35 bizuget man sal vouer eyn richten als vouer
 N548A-396,36 eynen achter Mach he euer sig vntreden
 N548A-396,37 mit sieuen scinberen mannen dat her neit
 N548A-396,38 in wizze dat her ein achter was he sal
 N548A-396,39 vnsuldich sin Sowe eyn achter wirt wer
 N548A-396,40 den schirmt wa man ien ane grifet wirt he
 N548A-396,41 des bizuget ze recht man sal vouer ien richten
 N548A-396,42 als vouer eynen achter Jn weilche staet
 N548A-396,43 der achter kuomt da ien sal man en neit
 N548A-396,44 halden noch engeynen koif geven noch
 N548A-396,45 vergeben geben noch sal vmb ien neit kovfen
 N548A-397,2 noch in sal en neman scirmen man sal

N548A-397,3 in miden an allen dingen Helt in eyne staet
 N548A-397,4 gemeylichen ove wizenliche is si vmbemuret
 N548A-397,5 der richter sal si nieder brechen vnd
 N548A-397,6 sal ouer den wirt de in behaldet richten
 N548A-397,7 als vouer eynen achter vnd sal sin hus
 N548A-397,8 zefuoren Js euer de stat vngemuret so sal
 N548A-397,9 si der richter birnen Set sich duo stat da
 N548A-397,10 wieder stat vnd lude sint rechtlois Mag der
 N548A-397,11 richter da neit gerichten so sal he it kunden
 N548A-397,12 dem kuoninge der sal it van des riches gewalt
 N548A-397,13 dwingen Wir setzen dat tes riches
 N548A-397,14 hoif haue einen hoverichter de en vrijman
 N548A-397,15 si de sal an dem ampte ze minsten ein iar
 N548A-397,16 bliuen ove he sich rechte vnd wal hait De
 N548A-397,17 sal oich alle dage ze gerichte sitzen ane de
 N548A-397,18 sunnendage vnd ane groze heiliche dage
 N548A-397,19 vnd sal allen luden richten de im clagent
 N548A-397,20 vnd van allen luden ane fursten vnd andere
 N548A-397,21 hoe lute sowae it geit aen ir lif oue an ir
 N548A-397,22 recht ove an ir erve oue an ir leen dat
 N548A-397,23 wille wir selve richten We oich mit gerichte
 N548A-397,24 verderft wirt dar vmbe sal neman
 N548A-397,25 eyngene vientscaf hauen We auer dar vmbe
 N548A-397,26 eman veit de sal in des selue sculden sin
 N548A-397,27 vnd in der seluer mistat als de selve was
 N548A-397,28 de da verderueit is Vnser houerichter
 N548A-397,29 ien sal oich neman verdragen her ein duo z
 N548A-397,30 dan mit vnsme sunderlichme gebote He ne
 N548A-397,31 sal oich neman zuo achte duon noch vzzer
 N548A-397,32 achte laizen want tat suole wir selue duon
 N548A-397,33 vnd willen s oich anders neman gestaden
 N548A-397,34 dat he sich da mit vuerlade Wir gebeden
 N548A-397,35 oich dat man alle vuorgebot mit breuen duo
 N548A-397,36 vnd breue dar vouer geue we man van
 N548A-397,37 gerichte gescheide vmbe dat dat man mit
 N548A-397,38 ten breuen vnder des houerichters jngesigel
 N548A-397,39 bereden muoge dat vuorgebot vnd du
 N548A-397,40 zil vnd de dage de vuor gerichte genomen
 N548A-397,41 sint Sowe den lantfride neit in swirt in
 N548A-397,42 eynen maende nae deme dat he gekundigt
 N548A-397,43 wirt offenclige in dem bischoduome da he
 N548A-397,44 sitzt wat deme gescheit dat ien sal neman
 N548A-397,45 richten weder mit geistlichem noch mit
 N548A-397,46 wereltlichem gerichte vnd wat en gescheit
 N548A-397,47 mit rade ove mit dade an live ove an guode
 N548A-397,48 dat en sal neman richten We oich den

 N548A-398,2 lantfride sviert vnd ien dar na bricht de

N548A-398,3 sal in veirzeyn nachten den bruch bessern
 N548A-398,4 vnd wieder duon so he is gemant wirt van
 N548A-398,5 dem de da richter is Deit he is neit so
 N548A-398,6 sal he meyneichdige sin vnd sal in der bischof
 N548A-398,7 ove de ertzebischof in des bischtuom
 N548A-398,8 he sitz ze banne duon vnd der kuoninc ze
 N548A-398,9 achte duon vnd der furste ove der greve
 N548A-398,10 in des gerichte he sitz ze achte duon vnd
 N548A-398,11 suolen de banne vnd achte niemer ave gelazen
 N548A-398,12 werden he ne have den bruch gebuozet
 N548A-398,13 vnd gebezzert We oich den de van bruchen
 N548A-398,14 des lantfriden meynedich bennich ove achtich
 N548A-398,15 wirt behelt huset ove hovet eicht dage
 N548A-398,16 so it em verboten wirt de sal in den seluen
 N548A-398,17 sculden sin als de is de in wizzencliche nae
 N548A-398,18 deme gebode behuset vnd behalden hat Jt
 N548A-398,19 en sal oich neman de lude halden ove hoefen
 N548A-398,20 de nuo vuerseint sint ove noch vuerseint
 N548A-398,21 werdent de schedelich sint deme lande Sowe si
 N548A-398,22 euer interhaluen echter dage dar nae dait in
 N548A-398,23 verboten wirt neit en liezze de sal den lantfriden
 N548A-398,24 gebrochen han vnd in de vuorgenande buoze
 N548A-398,25 vallen achte vnd ban Sowe den lantfride
 N548A-398,26 bricht vnd den bruch neit vp richten wilt
 N548A-398,27 vnd dar vmbe van dem lantfriden besezen
 N548A-398,28 wirt oue de de den lantfride gesvoren hant
 N548A-398,29 da van ze schaden brenget den sal de lantfride
 N548A-398,30 dwingen dat he mit alle sinen vesten
 N548A-398,31 vnd mit sime guode ie dem manne na sinre
 N548A-398,32 maze sinen scaden aue lege als verre sin
 N548A-398,33 guot gelangen mach Duse satzung vnd duse
 N548A-398,34 recht sal man alle zit stede halden vnd sal
 N548A-398,35 man oich dar nae richten want sij van alders
 N548A-398,36 her comen sint vnd mit rechte vnd mit gunst
 N548A-398,37 vnd van rade der fursten gesat sint Sich
 N548A-398,38 vuorbindet auer zuo disen male ze diesen
 N548A-398,39 lantfride mit eyden neman wan van hinne
 N548A-398,40 van sanct Johans misse des baptisten vnd
 N548A-398,41 van danne vouer druo jar Dat haint de fursten
 N548A-398,42 vrien greuen deynstmanne vnd gemeylichen
 N548A-398,43 des riches truwen vnd hoilden zuo den
 N548A-398,44 heyiligen gesvoren also doch dat iee der man
 N548A-398,45 he si furste greve vrie ritder man deynstman

 N548A-399,2 burge stede vestene paffen vnd leen
 N548A-399,3 bi ierem rechte bliuen Wat oich de fursten
 N548A-399,4 vnd de lantzheiren in irme lande mit ter
 N548A-399,5 heiren rade setzen vnd machend desen lantfride

- N548A-399,6 ze besserne vnd ze vestene dat muogen
 N548A-399,7 sij wal duon vnd da mit in brechent sij des
 N548A-399,8 lantfriden neit Vnd ze eyne rechtme vorkunde
 N548A-399,9 so han wir vnse kuonincgliche jngesigel an diesen
 N548A-399,10 breif gehenkeit Dirre lantfride wart gemacheit
 N548A-399,11 vnd der breif wart gegeben vnd
 N548A-399,12 gescreuen zuo dem offen hove in dem concily
 N548A-399,13 ze Wirtzeburch aen vnser vrowen auent der
 N548A-399,14 in der vasten stet duo man zalte van vnser
 N548A-399,15 herren gebuorde dusent zvei hundert vnd
 N548A-399,16 seven vnd eychzich iar vnd in dem veirzeyndeme
 N548A-399,17 jare vnser richen Vnd want wir
 N548A-399,18 kuoninc Adolf dese satzung des lantfriden
 N548A-399,19 van woirde ze worde als he vuor gescriben
 N548A-399,20 is van rade vnd mit gunste der fursten
 N548A-399,21 greuen vrien der stede vnd anderen des
 N548A-399,22 richen getruwen ernuwet han vnd he gesvoren
 N548A-399,23 is anderwarf ze haldene van suonte
 N548A-399,24 Remegis dage de da was do man zalte van
 N548A-399,25 gotz gebuorden dusent zvei hundert zvei vnd
 N548A-399,26 nuonzich iar zeyn iar ze haldene de dar na
 N548A-399,27 kuoment an mittel des han wir an me
 N548A-399,28 vorkunde disen breif heisen besigelen mit
 N548A-399,29 vnser kuonincliche jngesigele Dit wart
 N548A-399,30 gegeben ze Kolne an dem anderen dage
 N548A-399,31 na sunte Remegis dage van goitz gebuorde
 N548A-399,32 als it vuor gescreuen is in dem eirstem jare
 N548A-399,33 vnser richen
- 1758-68,26 JN Godes namen amen . Dat si kuont allen den die diesen breif ane geseint
 . Dat
 1758-68,27 wir Johan der heirre van Riffenscheit inde van Bedebure mit den Ersamen
 luden den ..
 1758-68,28 Richteren / den .. Scheffenen inde den .. Buorgeren van kolne . mit rade
 vnser Mage / inde
 1758-68,29 vruonde ouerdragen han alsus / Dat wir Johan inde vnse Erven die na der
 zijt ce Bedebure
 1758-68,30 heirren sint / ce kolne buorgere wuorden sin . inde wesen suolen erfliche /
 Sodat wir
 1758-68,31 inde die selue vnse Erven . die Burgere van kolne semenliche inde
 sunderliche in vnser
 1758-68,32 lande inde vnser heirscheffe / inde in vnser gerichte inde oig enbuszen
 vnser lande
 1758-68,33 mit guoden truwen bishirmen / bevrieden inde behuoden suolen an lieue
 inde an guode /
 1758-68,34 gelicher wis also vnser selues lude sunder arge list . Dat si oug ce wissene
 dat wir inde

- 1758-68,35 vnse lude in kolne beschirmet suolen sin inde vrideliche geliche den
buorgeren van kolne .
- 1758-68,36 Vort si dat ce wissene dat wir de stat / inde die Buorgere van kolne na vnser
maiht halden
- 1758-68,37 inde huoden suolen in alle deme rechte / inde in der vriheide / inde in den
guoden gewonden
- 1758-68,38 die si van aldeirs mit haintvestingen / in geschrichte / inde suonder
geschrigte here hauint
- 1758-68,39 bracht . inde da si nuo inne sint . inde sitzint . Were oig dat die .. Buorgere
van kolne da
- 1758-68,40 ane ieman druckin oue drengen wuolde in einicher wisen mit gewelde inde
z unrechte /
- 1758-68,41 wieder den suolen wir der stede inde den Buorgeren van kolne radin inde
helpin gelicher
- 1758-68,42 wis alse ein getruwe buorgere siner stede schuldich is ce duone . Sodat wir
in neit widersagen
- 1758-68,43 en muogen / inde sij engeine wis bigeuen en suolen . Vort en suolen wir
die .. Buorgere
- 1758-68,44 van kolne beide in vnsme lande / inde anderswa neit bisweiren lazen na
vnser maht ce
- 1758-68,45 vnrechte . Were euer dat einich Burgere van kolne in vnsme gerichte
iemanne beklagede
- 1758-68,46 ove van iemanne biklagit wuorde / vombe schuolt / ove vmbe einiche andere
sache / so suolen
- 1758-69,1 wir den burgere van kolne / guot inde genedich gerichte duon duon sunder
vair / dat selue
- 1758-69,2 sal oig vnser luden binnen kolne geschein . Js oig dat einich vnser lude
binnen kolne /
- 1758-69,3 ove einich buorgere van kolne binnen vnsme gerichte . einiche schuolt
machde / ove des
- 1758-69,4 Got neit ien wille einichge missedait dede / dar vmbe en suolen wir en in
eine side noch
- 1758-69,5 die buorgere van kolne in andir side / niemanne andirs vonschuldicher lazin
besweren .
- 1758-69,6 noch pendin . mer ein iewelich kleger sal ieme mit rechte laiszen genuogen
. Quem it oig
- 1758-69,7 also dat dei Buorgere van kolne vons helpin ane gesuonnen so suolen wir in
ce helpin selue
- 1758-69,8 hendlingen binnen kolne kuomen mit zwein Ridderen inde Echte knappin
. mit den
- 1758-69,10 wapinnen vop ouerdecktin orsin . inde helpin in / inde der stede van kolne
/ na vnser eren
- 1758-69,11 vop iere kost / also dat si vons suolen geuen ce Mainde Seis marc kolschir
penninge / inde
- 1758-69,12 vuor einen iewelichen vnser Riddere also viele . inde vuor einen iewelichen
vnser knappin

- 1758-69,13 drij marc . ce Mainde . Oig si . dat ce wissene sowanne die Buorgere inde die stat van
- 1758-69,14 kolne vnser helpin haint ce duone enbuszen kolne / so suolen wir in helpin mit aller vnser
- 1758-69,15 macht . inde na vnser eren vop vnse kost sunder aller hande arge list . Vort so suolen die
- 1758-69,16 Buorgere van kolne vop vnser Husen inde in allen / vnser vestinningen inthaldin sin / inde
- 1758-69,17 vop / inde af riden vrijlichen ze allen ieren vorbuoren . Quem it oig also des Got neit in
- 1758-69,18 wille dat einiche zweijunge ove zwist tuosschin vons inde vnser luden in eine side . inde
- 1758-69,19 den Buorgeren van kolne vop andir side / vop liefe / dar zuo hain wir drij vnser Manne /
- 1758-69,20 inde si drij ierre buorgere geschickit die des macht hauent der nieder ce leginne
- 1758-69,21 binnen vierzich dagen mit guoden truwen vp ieren eit . Jnde vmbe diese vuorworde inde
- 1758-69,22 diese vruontschaf truoweliche ce haldene inde ce duone so hait vons die stat van kolne
- 1758-69,23 gegeuen vuonfzein marc geldis iairlichges binnen kolne vop sente Mertines dage ce geldene
- 1758-69,24 an redelicheme erue / alle vonse vorbuore da miede ce duone . Vz bescheiden dat wir inde
- 1758-69,25 vnse Eruen dat erue neit verlenen . noch vercoufen en muogen / noch en suolen it en bliue
- 1758-69,26 an vons inde an vonsen eruen / die heirren ce bedebure wesen suolen erfliche . Jnde hain
- 1758-69,27 wir vuorgenande Johan der heirre van Rifferscheit inde van Bedebure mit gegeuenre
- 1758-69,28 truwen gesichert inde gesworen c en heilichen alle diese vorworde ce duone inde ce haldene
- 1758-69,29 truweliche ane aller hande arge list . Jnde willen oig dat ein iewelich vnser eruen die
- 1758-69,30 heirre ce bedebure is / diese selue vuorworde ernuwe inde stede / halde truweliche an
- 1758-69,31 arge list . Jnde wir Richtere .. Scheffenen . der Rait inde die .. Burgere van kolne ergein
- 1758-69,32 mit deisme brieve dat alle diese / vuorworde wair sint / inde hain vnse .. Buorgeremeistere
- 1758-69,33 mit gegeuenre truwen inde ane arge list vuor vons allen duoen gelouen diese vuorworde
- 1758-69,34 stede ce haldene . Jnde vopdat diese dinc vaste sin inde stede bliuen / so hain wir der
- 1758-69,35 vuorgenande Johan an eine side / inde wir die stat van kolne vop / ander side vnse Jngesiegele
- 1758-69,36 an diesen breif gehangen . Dit is gescheit na godes gebuorde . Dusint jair . zwei

1758-69,37	Huondirt iair / inde Druou inde Nuonzic iair . des eirsten dagis des Bramayndes . Jnde heit
1758-69,38	vnser iewelich part dieser brieve einen besiegelet mit vonser beidere ingesiegelen
3485-566,43	JN Godes namen amen . Dat si kuont allen den die diesen breif ane geseint dat wir
3485-566,44	Walrauen van Gulege heyrre van Bergheym mit den ersamen Luden den .. Richteren
3485-567,1	den .. Scheffenen deme .. Rade . inde den .. Buorgeren gemeynlichen van kolne / ouermidz
3485-567,2	vnse .. Mage inde vnser Rait vruontlige ouerdragen hain alsus . Dat wir inde vnse ..
3485-567,3	Nakuomelinge die vnse gerechte Eruen sint ze kolne buorgere worden sin inde wesen suolen
3485-567,4	erflige . sodat wir inde vnse .. Nakuomelinge die vnse rechte Eruen sint die Buorgere van
3485-567,5	kolne sementliche inde sunderliche in al vnseme lande inde vnser herscheffe inde in
3485-567,6	vnseme gerichte / inde oig inbuszen vnseme lande mit guoden truwen bischirmen beviden
3485-567,7	inde behuoden suolen an liue inde an guode gelicher wis als vnser selues lude / inde vnse
3485-567,8	Buorgere sunder arge list . Dat si oig ze wissene dat wir inde vnse lude in kolne bischirmet
3485-567,9	suolen sin inde vriedeliche geliche den Buorgeren van kolne . Vort si dat ze wissene . dat
3485-567,10	wir dei stat vnde dei Buorgere van kolne na vnser macht halden inde huoden suolen in alle
3485-567,11	deme rechte inde in der vriheide inde in den guoden gewoneden die si van alders mit
3485-567,12	haintvestingen in geschrichte inde sunder geschrichte here haint bracht inde da si nuo inne
3485-567,13	sint inde sitzint . Were oig dat dei .. Buorgere van kolne da ane ieman drucken oue drengen
3485-567,14	wolde in eynicher wisen mit gewelde inde z uonrechte wieder den suolen wir der stede inde
3485-567,15	den Buorgeren van kolne raden inde helpen gelicher wis als eyn getruwe Buorgere siner
3485-567,16	stede schuldich is ze duone . Sodat wir in neit widersagen in muogen inde si ingeine
3485-567,17	wis begeuen in suolen . Vort in suolen wir dei Buorgere van kolne beide in vnseme lande /
3485-567,18	inde anderswa neit bisweren lazen na vnser macht ze vnrechte . Were euer dat eynich
3485-567,19	Buorgere van kolne in vnseme gerichte / eimanne beclagete oue van eimanne beclaget wurde

- 3485-567,20 vmbe schuolt oue vmbe enichge andere sachge / so suolen wir den Buorgere
van kolne guod /
- 3485-567,21 inde geneitlig gerichte duon suonder vair / dat selue sal oig vnsen luden
binnen kolne
- 3485-567,22 gescheyn . Js oig dat eynich vnser Lude binnen kolne / oue eynich Buorgere
van kolne
- 3485-567,23 binnen vnseme gerichte eyniche schuolt machgede . oue des Got neit in
wille eyniche
- 3485-567,24 misdait dede / dar vmbe in suolen wir in eyne side . nog dei Buorgere van
kolne in ander
- 3485-567,25 side nemanne andirs vnschuldiger laiszin bisweren noch penden . mer eyn
iewelich clegere
- 3485-567,26 sal ieme mit rechte laiszin genuogen . Quem id oig also dat vns dei ..
Buorgere van kolne
- 3485-567,27 helpin ane gesuonnin so suolen wir in ze helpin selue hendlingen binnen
kolne kuomen mit
- 3485-567,28 Nuoyrn Ridderen inde mit vuonfzeyn knappin mit den wapenin vop
ouerdecden orsen inde
- 3485-567,29 helpen in inde der stede van kolne na vnsen eren vop iere kost / also dat si
vns mit den
- 3485-567,30 vuor genuomden Luden geuen suolen ze vnser kost ouer dag inde ouer
nacht / vuonf marc
- 3485-567,31 kolschir penninge . Quem id oig also dat vns ieman vorluogede dar vmbe
dat wir der stede
- 3485-567,32 inde den .. Burgeren van kolne hulpin inde bestuonden also als id hie vuore
bescrieuen is /
- 3485-567,33 so suolin oue wir si s ane gesinnen die selue .. Buorgere van kolne buszin
kolne vns helpin
- 3485-567,34 hendelingen mit vunf in zwenzich mannin gewapint van geslegten mit
ouerdecdin orsin
- 3485-567,35 na ieren eren vp vnse kost . Were oig dat vons oue den Burgeren van kolne
eiman vnrecht
- 3485-567,36 deide / dar vmbe dat wir mit gemeyneme rade inde mit willen vorluogen
wuolden so suolin
- 3485-567,37 wir vp vnse kost . inde na al vnser macht . inde dei selue .. Buorgere vp iere
kost na al
- 3485-567,38 iere macht / vnser iewelich deme andirme helpin inde bistayn truweliche
ane arge list .
- 3485-567,39 Quem id oig also des Got neit en wille dat eyniche zweynge oue zwist
tuschin vns / vnsen
- 3485-567,40 luden in eyne side / inde den Burgeren van kolne vp ander side vop leiffe
/ dar zuo hayn
- 3485-567,41 wir drij vnser manne Riddere inde si drij irre Buorgere geschikit die des
macht hauint
- 3485-567,42 dat neider ze legene binnen veirzich dagin mit guoden truwen vp eiren eyt
. Jnde vmbe
- 3485-567,43 diese vuorworde inde deise . vruontschaf truoweliche ze haldene inde ze
duone so hait vns

- 3485-567,44 dei stat van kolne gegeuen Huondirt marc geldis iarlichis binnen kolne an redelicheme
- 3485-567,45 erue alle vnse vorbuore da mede ze duone . vos bescheiden dat wir inde vnse .. Nakuomelinge
- 3485-567,46 dat erue neit verlenen nog verkoufin in muogen nog in suolin id in bliue an vns inde an
- 3485-567,47 vnsen gerechten eruen erfliche . Jnde hauin wir der vuorgenande Walrauen van Gulege
- 3485-568,1 Heirre van Bergheym mit gegeuener truwen gesichert inde gesworen z en heyligen alle
- 3485-568,2 diese vuorworde ze duone inde ze haldene truoweliche ane alre hande arge list . Jnde willen
- 3485-568,3 oig dat eyne iewelich dei vnse gerechte erue is deise vuorworde seluer irnuwe inde stede
- 3485-568,4 halde truoweliche . Jnde wir die .. Richtere die .. Scheffenen der Rait inde die Buorgere
- 3485-568,5 van kolne irgeyn mit dieseme brieue dat alle diese vorwuorde wair sint inde hain vnse ..
- 3485-568,6 Buorgemeistere mit gegeuener truwen inde mit gesworin eiden vuor vns allen duon gelouen
- 3485-568,7 inde duon verbinden duose vuorworde steide ze haldene ane arge list . Jnde vop dat diese dinck
- 3485-568,8 vaste sin inde steide bliuen so hain wir der vuorgenande Walrauen an eyne side / inde
- 3485-568,9 wir die stat van kolne in ander side vnse Jngesiegele an diesen breif gehangin . Dit is
- 3485-568,10 gescheit na Godis gebuorde Duosint Jar . zwei huondirt Jar . Nuoyne inde / Nuonzich Jar . des
- 3485-568,11 Satersdages vuor suonte Remeyes dage . Jnde vnser iewelich hait dieser breifve eyne
- 3485-568,12 besiegelt mit vnser beyder Jngesiegelin .